

Danki na e Bon Trabou di 4 aña

Otmar Oduber a logra ta e di dos ‘votegetter’ di Aruba cu un total di 4008 voto

Despues di un temporada di campaña intensivo Otmar Oduber a demostra di ta e di dos votegetter di Aruba cu un total di 4008 voto.

Pueblo a demostra diabierna 27 di september cu e trabou eherce pa Otmar Oduber na momento el a asumi e responsabilidad como Minister di Turismo, Transporte y Labor a sa di saca su frutanan.

E politico a percura pa hiba un campaña limpi poniendo pueblo di Aruba semper na prome lugá.

E tabata di suma importancia pa e politico pa a drenta bari-onan pa a combersa cu habitantenan pa mira kico ta biba eynan riba un base diario.

E recepcion cu Otmar Oduber a haya for di comunidad di Aruba henter tabata uno gran-



di y esaki a keda demostra den e resultadonan di eleccion 2013.

4 aña pasa el a gana eleccion cu un total di 1647 y a asumi e posicion di minister.

Durante e periodo aki ta hopi logro Otmar a logra riba su nomber na bienestar y desaroyo di nos isla, el a demostra cu e ta traha y ta cumpli!

Pa e periodo electoral aki Otmar a haya e honor di posicion #4 riba lista di AVP, un muestra di sosten di e partido berde pa su bon trabou.

Pueblo di Aruba tambe a mira

e compromiso cu Otmar tin cu nos isla y a duna un sosten masal di 4008, birando asina e di dos votegetter di nos isla, despues di lider di partido AVP, Mike Eman.

Diadomingo, Aruba a subi caya pa celebra e gran logro di e partido berde cu a logra un total di 13 asiento, contando asina cu e sosten enorme di nos pueblo.

Otmar Oduber kier a gradici tur es nan cu a sostene e bon trabou di AVP y specialmente na esnan cu a duna Otmar su voto pa e por sigui cu su compromiso cu Aruba!

